



bibliotheken graubünden Kantonsbibliothek
bibliotecas grischun Biblioteca chantunala
biblioteche grigioni Biblioteca cantonale

Kantonsbibliothek Graubünden
Karlihofplatz
CH-7001 Chur
Telefon 081 257 28 22
Telefax 081 257 21 53
info@kantonsbibliothek.gr.ch
www.kantonsbibliothek.gr.ch

«Poz felti pulagias!» – stgatlaz e stgazis

L'Institut dal Dicziunari Rumantsch Grischun (DRG) sa preschenta en la Biblioteca chantunala dal Grischun. L'exposiziun dat in'invista en la rimnada dal linguatg rumantsch e mussa ulteriurs stgazis or dal DRG. Il charedactur dr. Carli Tomaschett avra l'exposiziun ils 11 da matg.

En l'Institut dal DRG a Cuira vegn rimnà dapi passa 100 onns l'entir stgazi da pleds dals Rumantschs. L'exposiziun en la Biblioteca chantunala dal Grischun mussa co ils pleds, lur diever e lur muntada vegnan registrads e documentads en ils artitgels dal Dicziunari Rumantsch Grischun. Il resultat n'è betg mo in vocabulari, mabain in lexicon cun descripziuns dad usits, artisanadi, medischina populara, euv.

Maletgs istorics or da l'archiv da fotografias che cumpiglia var 30'000 maletgs, il material original per la perscrutaziun da la chasa purila grischuna ed ulteriuras collecziuns cumpletteschan l'exposiziun.

A chaschun da l'avertura da l'exposiziun, ils 11 da matg 2011 a las 18.00 uras, referescha dr. Carli Tomaschett, il charedactur dal DRG, davart il tema «Il Dicziunari Rumantsch Grischun – ina chombra da stgazis da la lingua rumantscha e cultura alpina».

En il decurs da l'exposiziun dals 11 da matg fin l'october 2011 han lieu ulteriuras occurrenzas accompagnantas. L'emprima da quellas ha lieu mardi, ils 14 da zercladur a las 18.00 uras. Sut il titel «Dialas Ramassan Gigidras – Bergfeen lesen Preiselbeeren» baterla l'intermediatur da la cultura Chasper Pult davart il DRG sco funtauna dad istorgias da pleds. La segunda occurrenza ha lieu ils 30 da zercladur 2011 a las 18:00 uras sut il titel «Amur e dolor – Lieb' und Leid». Silvana Derungs preschenta insaquantas ivettas amurusas e dolorusas, zipladas or dal DRG.

«Poz felti pulagias!» – stgatlaz e stgazis. Exposiziun davart il Dicziunari Rumantsch Grischun (DRG) en la Biblioteca chantunala dal Grischun. 11 da matg fin october 2011.

Dapli sin www.kantonsbibliothek.gr.ch.